

IDEEN KORRONTA

Barneko mundu ontan
ez dut nik mugarik,
lurrera jaurt ninduen
bizira loturik,
arbaso uretan noa
egunen ibaitik.

Mendez-mende sortuak,
gaurkotuaz era,
ideak or dabilta
girotik-girora
paseko txoria lez
ipartik egora.

Gogoaren bearrak
landu ditu nekez,
beren oiñarrietan
urtetan jardunez
gizabideak zear
aldatuz oiñordez.

Alperrik alegindu
elburua lortzen,
bideko arri latzak
kolpez naute mintzen,
baiña ideetatik
ez naute libratzen.

Ez ditut nik ideak
euki nere menpe;
ideak, izan dira
beti nere jabe,
munduko korrontean
bultzaz naramate.

Otsalar